



**FAKULTET  
POLITIČKIH  
NAUKA**

A Skenderija 72, 71000 Sarajevo, BiH

M dekanat@fpn.unsa.ba

W www.fpn.unsa.ba

T +387 33 203 562

F +387 33 666 884

Broj: 02-13-1086-1/19  
Sarajevo, 21.10.2019. godine

Na osnovu člana 90. Zakona o visokom obrazovanju Kantona Sarajevo (Službene novine Kantona Sarajevo broj 33/17) i člana 174. Statuta Univerziteta u Sarajevu, Disciplinska komisija Fakulteta političkih nauka na sjednici održanoj 21.10.2019. godine **donijela je**

### **ODLUKU**

#### **O utvrđivanju disciplinske odgovornosti**

**[REDACTED]** studentici odsjeka Socijalni rad, Fakulteta političkih nauka Univerziteta u Sarajevu, izriče se disciplinska mjera **ISKLJUČENJE SA STUDIJA u trajanju od tri akademske godine (2019/2020, 2020/2021, 2021/2022)**, počev od konačnosti odluke, a zbog utvrđene teže povrede obaveza: krivotvorenje isprava u vezi sa studijem i ostvarivanjem studentskih prava, predviđene članom 173. stav (3) tačka a) Statuta Univerziteta u Sarajevu.

**Obrazloženje:** Viši stručni saradnik Edina Vrabac podnijela je Zahtjev za pokretanje disciplinskog postupka protiv studentice **[REDACTED]** dana 14.10.2019. godine, na osnovu kojeg je dekan Fakulteta političkih nauka Univerzitet u Sarajevu - prof.dr. Sead Turčalo donio Odluku o pokretanju disciplinskog postupka br. 01-3-1152-2/19, 16.10.2019. godine.

Disciplinska komisija (u sastavu prof.dr. Valida Repovac Nikšić-predsjednik, doc.dr. Emir Vajzović- član i predstavnik studenata Ermin Bašaškić- član) je dana 21.10.2019. godine u 10:45 h na sjednici u okviru javne rasprave, upoznala studenticu **[REDACTED]** o postupku utvrđivanja discipline odgovornosti koji se vodi protiv nje. Komisija je konstatovala, uvidom u dostavljenu dokumentaciju od strane više stručne saradnice Edine Vrabac da je studentica **[REDACTED]** izvršila samostalno upis više ocjena u svoj index u dijelu gdje stoje Podaci o ispitima, a koje nije položila. Šef Službe za nastavu i studentska pitanja Sanin Katica, upoznao je članove Komisije da je studentica **[REDACTED]** već ranije opomenuta od strane njega, zbog ispravljanja uplatnice za školarinu, dodavanjem cifara. Studentica **[REDACTED]** pozvana je da se izjasni o tome da li je (i ako jeste zašto je) izvršila navedeno upisivanje ocjena. Studentica je navedeno priznala uz objašnjenje da joj je žao i da je to uradila na „nagovor drugih“ uz objašnjenja o teškoj socijalnoj situaciji u kojoj se nalazi.

Na temelju svega navedenog, a uzimajući u obzir težinu povrede, ranije izrečenu opomenu, kao i posljedice koje ovakva povreda može da izaziva, Disciplinska komisija je jednoglasno odlučila da donese Odluku kao u dispozitivu.

*Pouka o pravnom lijeku:* Protiv Odluke Disciplinske komisije dopuštena je žalba Vijeću Fakulteta u roku od 15 dana od dana prijema prvostepene Odluke. Odluka Vijeća je konačna.

**PREDSJEDNIK DISCIPLINSKE KOMISIJE**

**Prof.dr. Valida Repovac Nikšić**

**Dostaviti:**

1. [REDACTED]-lično;
2. U dosije studenta [REDACTED];
3. Prof.dr. Valida Repovac Nikšić;
4. [www.fpn.unsa.ba](http://www.fpn.unsa.ba)
5. a/a